

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
KANTONALNO TUŽILAŠTVO  
ZENIČKO-DOBOJSKOG KANTONA

Broj: T04 0 KT 0061036 24  
Zenica, 03.02.2025. godine

OPĆINSKOM SUDU U VISOKOM  
-Sudiji za prethodno saslušanje-  
VISOKO

Na osnovu člana 45. stav 2. tačka i), člana 241. stav 1. Zakona o krivičnom postupku  
F BiH, p o d i ž e m

O P T U Ž N I C U

Protiv:

A. A., neosuđivana,

što je,

Dana 14.10.2024. godine oko 19,00 sati, u V., u mjestu G., u prostorijama porodične medicine Doma zdravlja V., nasiljem prema drugom, ugrozila građanski mir O. L., koja je u to vrijeme obavljala poslove porodičnog doktora, na način da je preko reda ušla u ordinaciju sa jakim vriskom i galamom, obratila se O. L. povišenim tonom da joj nije izdala neke nalaze koji su joj bili potrebni za dalji pregled ..., tražeći od doktorice da joj na nalaze stavi pečat i napiše „hitno“, što je O. L. odbila jer to nije u njenoj nadležnosti, izuzev da joj da uputnicu za hospitalizaciju, a ona je i dalje nastavila sa vriskom pitajući doktoricu „Jel vi to meni nećete uraditi“, nakon čega je krenula prema O. L., uhvatila je za kosu usljed čega su joj pale naočale, udarajući njenu glavu od pomoćni krevet, zatim šakama je udarala po dijelovima leđa, što je prekinuto kada je u ordinaciju ušla medicinska sestra T. A. i M. M., iako je znala i bila svjesna da na ovaj način ugrožava građanski mir O. L. i da ista uslijed navedenih udaraca može zadobiti lake tjelesne povrede, što je i htjela, na koji opisani način je O. L. zadobila lake tjelesne povrede u vidu nagnječenja-uboja glave u predjelu obje parijetalne regije (tjemene regije) i nagnječenje u predjelu stražnje strane,

dakle, nasiljem prema drugom ugrozila njen građanski mir i drugom nanijela laku tjelesnu povredu,

čime je počinila „Nasilničko ponašanje“ iz člana 362. stav 2. u vezi sa stavom 1. KZ F BiH.